




Тазкия дарслари (119-дарс). Кимнинг мазаҳи кўпайса, ҳайбати йўқолади



ТАЗКИЯ
дарслари **119-дарс**

Тазкия дарслари Шайх Муҳаммад Содиқ Муҳаммад Юсуф роҳимахуллоҳнинг "Тасаввуф ҳақида тасаввур" ва "Руҳий тарбия-1-2-3" китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



13:00 / 16.01.2021 3860

Олтинчи офат - масхара ва истехзо.

«Масхара» сўзи луғатда «бировни ҳақир – паст санаш» ва «хор билиш» маъноларини англатади.

Уламолар масхарани қуйидагича таърифлайдилар:

Муновий: «Масхара маънавий жиҳатдан ақлни паст санаш ва ҳиссий жиҳатдан ишни хор санашдир», деган.

Ибн Камол: «Масхара – масхара қилинганнинг наздида арзийдиган ва масхара қилувчининг наздида арзимайдиган нарсадир», деган.

Масхара қилиш – пастга уриш, хорлаш йўли ила бировнинг айбини кулгига олишдир. Гоҳида гап ва амалга тақлид қилиш билан, имо-ишора ёки лақаб қўйиш билан ҳам масхара бўлиши мумкин. Масхара ва истехзо қилиш динсиз, мунофиқ ва кофирларга хос сифатдир.

Аллоҳ таоло Анбиё сурасида марҳамат қилади:

اُوْنَاك اَم مُمْهِنَم اُوْرْحَسَنِي دَلَابَقَا حَفَا كَلْبَق نَم لُسْرَبَ اِزْهَتْ سَا دَقَلَو
نُوْزَهَتْ سَيَب

«Батаҳқиқ, сендан олдинги расуллар ҳам истехзо қилинганлар. Бас, уларни масхара қилганларни ўзлари истехзо қилиб юрган нарса ўраб олди» (41-оят).

Пайғамбарларни истехзо қилган кофирларга азоб тушди. Улар бу дунёнинг ўзидаёқ азобга дучор бўлдилар. Сени масхара қилаётганлар ҳам, вақт ғаниматлигида эсларини йиғиб, тавба қилмасалар, аввал бу дунёда, кейин у дунёда азобга учрайдилар. Чунки уларни Аллоҳ таолонинг азобидан сақлайдиган ҳеч бир куч йўқ.

Аллоҳ таоло Тавба сурасида марҳамат қилади:

اَلَّذِيْنَ دَلَّ اَوْ تَابَ اَوْ جَاءَ بِاٰيٰتِنَا مِنْۢ بَعْدِ اُولٰٓئِكَ سَنَجْزِيْهِمْ لَوْ كُنُوْا عٰقِلِيْنَ
اَلَّذِيْنَ دَلَّ اَوْ تَابَ اَوْ جَاءَ بِاٰيٰتِنَا مِنْۢ بَعْدِ اُولٰٓئِكَ سَنَجْزِيْهِمْ لَوْ كُنُوْا عٰقِلِيْنَ

«Мўминлардан кўнгилли бўлиб садақа қилувчиларни ва ўз кучлари етгандан бошқани топа олмайдиганларни айблайдиганларни Аллоҳ масхара қиладир ва уларга аламли азоб бўлажак» (79-оят).

Қуръони Каримда мўмин-мусулмонлар бировни масхара ва истехзо қилишдан қайтарилган.

Аллоҳ таоло Ҳужурот сурасида марҳамат қилади:

مَنْ يُّسَخِّرْكُمْ مِنْۢ يَوْمٍ اٰمَنَ بِكُمْ غَيْرِ مَرْغَبٍ لَّكُمْ فِيْ يَوْمِئِذٍ بِالَّذِيْنَ اٰمَنْتُمْ اَوْ لَا
مَنْ يُّسَخِّرْكُمْ مِنْۢ يَوْمٍ اٰمَنَ بِكُمْ غَيْرِ مَرْغَبٍ لَّكُمْ فِيْ يَوْمِئِذٍ بِالَّذِيْنَ اٰمَنْتُمْ اَوْ لَا

«Эй иймон келтирганлар! Бир қавм бошқасини масхара қилмасин, эҳтимол, улар булардан яхшироқдир. Ва аёллар ҳам бошқа аёлларни (масхара қилмасинлар), эҳтимол, улар булардан яхшироқдир» (11-оят).

Албатта, ўзгаларни масхара қилиш ёмон одат бўлиб, жамият аъзолари ўртасидаги ўзаро алоқаларнинг бузилишига сабаб бўлади.

Бир одам иккинчисини масхара қилса, камситса, устидан кулса, албатта, масхара қилинган одамнинг аччиғи чиқади, у ҳам масхара қилувчига ўзига яраша жавоб беришга уринади. Орада низо-жанжал чиқади, ижтимоий алоқалар бузилади ва жамият заифлашади. Ислом эса доимо мусулмонлар жамиятининг мустаҳкам бўлиши учун қайғуради.

اَلَّذِيْنَ يُّسَخِّرْكُمْ مِنْۢ يَوْمٍ اٰمَنَ بِكُمْ غَيْرِ مَرْغَبٍ لَّكُمْ فِيْ يَوْمِئِذٍ بِالَّذِيْنَ اٰمَنْتُمْ اَوْ لَا
اَلَّذِيْنَ يُّسَخِّرْكُمْ مِنْۢ يَوْمٍ اٰمَنَ بِكُمْ غَيْرِ مَرْغَبٍ لَّكُمْ فِيْ يَوْمِئِذٍ بِالَّذِيْنَ اٰمَنْتُمْ اَوْ لَا

كَلِّدَكَ لِأَزِي آمَفْ هُنُودَ قَلْعَ أَعَاجِ إِذِ افِ، وَمَعَّ وَوَبَرْكَ بْءِ حَيْفِ، مُلَهْ مُهَلْ
آمَفْ، مُلَهْ هُنُودَ لَأَقِيْفِ هُنُودَ لَأَبْأَبْ أُنْمُ بَابِلْ أَلْ حُتْفِيْلْ مُهَدَحْ أُنْ إِيْتَحْ
يُقَوِّبِيْلْ أَوْرَ، سَأِيْلْ أُنْمِ هِيْتَأِيْ

Ҳасандан ривоят қилинади:

«Расулуллоҳ соллаллоҳу алайҳи васаллам:

«Одамларни масхара қилувчиларнинг бири учун жаннатдан бир эшик очилади. Бас, унга: «Бу ёққа кел», дейилади. У ғам-ғуссаси ила келганида эшик ёпилади. Бу ҳол улардан бирига жаннатдан эшик очилиб, «Бу ёққа кел», дейилганда ноумидликдан келмайдиган бўлгунича давом этади», дедилар».

Байҳақий ривоят қилган.

Масхаранинг зарарлари:

1. Масхара Аллоҳ таолонинг амрига очиқ хилофдир.
2. Масхара Аллоҳ таолонинг азобига сабаб бўлади.
3. Масхара инсон ҳуқуқини очиқ-ойдин бузишдир.
4. Масхара қалбни ўлдиради ва ғафлатга сабаб бўлади.
5. Масхара кофир ва мунофиқларнинг сиймосидир.
6. Масхара шариат ҳаром қилган ишдир.
7. Масхара Аллоҳ таолонинг зикрини эсдан чиқаради.

«Руҳий тарбия» китобидан